

Lo cra èt peus lo r'naid

Ïn noi l'ouejé d'Alle, sietè tchu ène fiatte,

Teniait dains son bac ène tête de moine.

Lo r'naid, d'aivô son pifre, senté atçhe que n'était pe croueye

Èt peus dié è pô prés çoci :

« È ! bondjoué, l'aimi cra.

Que vos êtes brament bé adjed'heû !

Vos allèz en lôvre ?

Sains dire de mente, s' vôt' voué ât achi bèlle qu'vôt' vétüre

I seus chur qu'vos êtes lo pus bél ouejé di Faihyi. »

Tiaind qu'èl oue çoli, nô't' cra ne s'peut pus tni.

È veut faire oueyi sai voué.

Èl euvre d'ınche ïn bac èt léche tchoére sai nonne.

Lo r'naid n'en d'maindait p' aitaınt èt dié :

« Pouere cra, aiprends qu'è fât aidé s'méfiacie

D'cés qu'vos bragant ïn pô trop, ès tieurant svent atçhe.

Mitnaint i veus allaie épreuvaie mai Girolle. »

Nô't' cra, tot d'pai lu aiprés d'ınche ène raimouechie, se dié :

An ont r'prit lés Nois po dés fôs !